

Raz	Glava	Potr jed	Ekon. kod	Sub-analitika	Funkcija	OPIS	Iznos u KM
						Sa razdjela	
18	01	0001				Ministarstvo privrede Kantona Sarajevo	
						Sa ekonomskog koda (izvor 10)	
18	01	0001	6145	IAP004	042	Unapređenje zdravstvenog stanja životinja	100.000
						Na razdjel	
35	02	0026				Univerzitet u Sarajevu-Veterinarski fakultet	
						Na ekonomski kod (izvor 10)	
35	02	0026	6111		094	Bruto plaće i naknade plaća	9.025
35	02	0026	6121		094	Doprinosi poslodavca	947
35	02	0026	6139	QBK056	094	Posebna naknada na dohodak za zaštitu od prirodnih i drugih nepogoda	28
35	02	0026	8213		094	Nabavka opreme	90.000

2. Ovaj zaključak stupa na snagu danom donošenja, a objavit će se u "Službenim novinama Kantona Sarajevo".

Broj 02-04-35789-23/23

17. augusta 2023. godine
Sarajevo

Premijer
Nihad Uk, s. r.

Na osnovu člana 26. i 28. stav (4) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), člana 59. stav (4) Zakona o budžetima u Federaciji Bosne i Hercegovine ("Službene novine Federacije BiH", broj 102/13, 13/14, 8/15, 91/15, 102/15, 104/16, 5/18, 11/19, 99/19 i 25a/22) i člana 17. stav (3) Zakona o izvršavanju Budžeta Kantona Sarajevo za 2023. godinu ("Službene novine Kantona Sarajevo", broj 15/23), Vlada Kantona Sarajevo, na 22. sjednici održanoj 17.08.2023. godine, donijela je

ZAKLJUČAK

1. Odobrava se preraspodjela sredstava u Budžetu Kantona Sarajevo za 2023. godinu u iznosu od 100.000 KM, i to:

Raz	Glava	Potr jed	Ekon. kod	Sub-analitika	Funkcija	OPIS	Iznos u KM
						Sa razdjela	
11	09	0001				Kanton Sarajevo - Kantonalna uprava za inspeksijske poslove	
						Sa ekonomskog koda (izvor 10)	
11	09	0001	6143	BIN002	013	Vršenje analiza uzorkovanih artikala za potrebe inspeksijskog nadzora	100.000
						Na razdjel	
35	02	0026				Univerzitet u Sarajevu-Veterinarski fakultet	
						Na ekonomski kod (izvor 10)	
35	02	0026	6134		094	Nabavka materijala i sitnog inventara	100.000

2. Ovaj zaključak stupa na snagu danom donošenja, a objavit će se u "Službenim novinama Kantona Sarajevo".

Broj 02-04-35789-24/23

17. augusta 2023. godine
Sarajevo

Premijer
Nihad Uk, s. r.

Ministarstvo unutrašnjih poslova Kantona Sarajevo

Na osnovu čl. 21. stav (5) tačka a) i 23. stav (3) tačka d) Zakona o unutrašnjim poslovima Kantona Sarajevo ("Službene novine Kantona Sarajevo", br. 1/16, 26/19, 31/19 i 39/20) i čl. 127. stav (1) tačka b), a u vezi sa članom 6. Zakona o policijskim službenicima Kantona Sarajevo ("Službene novine Kantona Sarajevo", br. 38/18, 26/19 i 39/20), na prijedlog

policijskog komesara, ministar unutrašnjih poslova Kantona Sarajevo donosi

PRAVILNIK O IZMJENI PRAVILNIKA O NAČINU DRŽANJA I NOŠENJA ORUŽJA I MUNICIJE, VRSTAMA NAORUŽANJA I MUNICIJE, OPREME I POSEBNE OPREME POLICIJSKIH SLUŽBENIKA UPRAVE POLICIJE MINISTARSTVA UNUTRAŠNJIH POSLOVA KANTONA SARAJEVO

Član 1.

(Izmjena člana 34.)

U Pravilniku o načinu držanja i nošenja oružja i municije, vrstama naoružanja i municije, opreme i posebne opreme policijskih službenika Uprave policije Ministarstva unutrašnjih poslova Kantona Sarajevo ("Službene novine Kantona Sarajevo", br. 2/20 i 5/21), u članu 34. stav (5) tačka a) mijenja se i glasi:

- "a) stop palica za dnevnu upotrebu-Stop palica za dnevnu upotrebu, mora biti napravljena od tvrde plastike (ABS), ukupne dužine 310-330 mm, težine od 87-90 grama, a sastoji se od ručke i kruga. Promjer kruga palice iznosi od 130-136 mm i debljine je od 4-5 mm, a dužina ručke je od 190-210 mm i bijele je boje. Vanjski rub kruga palice (sa obje strane) je širine od 3-5 mm i ispupčen je od 1-2 mm. Unutrašnjost kruga palice je izrađena od reflektirajućeg materijala, čiji je vanjski rub crvene boje u širini od 15-17 mm, a unutrašnji krug bijele boje u širini od 90-95 mm. U sredini unutrašnjeg kruga je natpis u dva reda "STOP POLICIJA" koji je crne boje. Natpis će na jednoj strani palice biti ispisan latiničnim pismom, a na drugoj strani palice ispisan ćirilničnim pismom, u promjeru dužine od 65-70 mm, a visine od 40-45 mm. Promjer ručke palice u donjem dijelu je debljine 20 mm i ima četiri uzdužna udubljenja dužine od 85-90 mm radi lakšeg rukovanja. Na dnu ručke palice je dodatak sa rupicom radi kačenja palice za opasač."

Član 2.

(Stupanje na snagu)

Ovaj pravilnik stupa na snagu narednog dana od dana objavljivanja u "Službenim novinama Kantona Sarajevo".

Broj 01-9-328/23

23. augusta 2023. godine
Sarajevo

Ministar
Admir Katica, s. r.

Ministarstvo privrede Kantona Sarajevo

Na osnovu člana 70. st. (1) i (2) Zakona o organizaciji organa uprave u Federaciji Bosne i Hercegovine ("Službene novine Federacije BiH", broj 35/05) i tačke 1. Zaključka Vlade Kantona Sarajevo, broj 02-04-43961-47.1/22 od 27.10.2022. godine, ministar Ministarstva privrede Kantona Sarajevo donosi

ODLUKU

Član 1.

Daje se saglasnost Javnoj ustanovi "Centar za napredne tehnologije u Sarajevu" za odlazak dva uposlenika ove Javne ustanove na službeni put u Split, Republika Hrvatska, u periodu od 20.09.2023. godine do 22.09.2023. godine, radi prezentovanja naučno istraživačkog rada "SEM ANALYSIS

OF HYDRATED TITANIUM ALLOY TiA16Nb7 PRODUCED USING HDH TECHNOLOGY" na 12. međunarodnoj naučno-stručnoj konferenciji Mehaničke tehnologije i strukturni materijali MTSM 2023.

Član 2.

Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 07-04-45-35978-1/23

25. augusta 2023. godine

Sarajevo

Ministar

Zlatko Mijatović, s. r.

Ured za zakonodavstvo Vlade Kantona Sarajevo

Na osnovu člana 52. stav 1. tačka 2. Zakona o organizaciji organa uprave u Federaciji Bosne i Hercegovine ("Službene novine Federacije BiH", broj 35/05). člana 74. stav (5) Zakona o državnoj službi u Kantonu Sarajevo ("Službene novine Kantona Sarajevo", br. 31/16 i 45/19), člana 76. Zakona o namještenicima u organima državne službe u Federaciji Bosne i Hercegovine ("Službene novine Federacije BiH", br. 49/05 i 103/21), člana 34. stav (1) Uredbe o poslovima osnovne djelatnosti iz nadležnosti organa državne službe u Kantonu Sarajevo koje obavljaju državni službenici, uslovima za vršenje tih poslova i ostvarivanju određenih prava iz radnog odnosa ("Službene novine Kantona Sarajevo", br. 39/16 i 10/17), člana 41. stav (1) Uredbe o načelima za utvrđivanje unutrašnje organizacije kantonalnih, gradskih i općinskih organa uprave i upravnih organizacija ("Službene novine Kantona Sarajevo", br. 36/06, 8/12, 39/16, 13/22 i 41/22), člana 29. stav (1) Uredbe o dopunskim poslovima osnovne djelatnosti i poslovima pomoćne djelatnosti iz nadležnosti organa državne službe koje obavljaju namještenici ("Službene novine Federacije BiH", br. 69/05, 29/06 i 65/20) i člana 11., a u vezi sa članom 13. Uredbe o osnivanju Ureda za zakonodavstvo Vlade Kantona Sarajevo ("Službene novine Kantona Sarajevo", broj 20/23) i pribavljenog mišljenja sindikata, po ovlaštenju Vlade Kantona Sarajevo, šef Ureda za zakonodavstvo Vlade Kantona Sarajevo, uz saglasnost Vlade Kantona Sarajevo, donosi

PRAVILNIK

O UNUTRAŠNJOJ ORGANIZACIJI UREDA ZA ZAKONODAVSTVO VLADE KANTONA SARAJEVO POGLAVLJE I - OPĆE ODREDBE

Član 1.

(Predmet)

Ovim pravilnikom utvrđuju se: djelokrug poslova i unutrašnja organizacija Ureda za zakonodavstvo Vlade Kantona Sarajevo (u daljem tekstu: Ured), sistematizacija radnih mjesta, opis poslova svakog državnog službenika i namještenika i ovlaštenja i odgovornosti državnih službenika i namještenika u obavljanju poslova, rukovođenje Uredom, ovlaštenja u rukovođenju i odgovornost za obavljanje poslova, saradnja u vršenju poslova i zadataka, programiranje i planiranje rada, radni odnosi i disciplinska odgovornost državnih službenika i namještenika i javnost rada.

Član 2.

(Principi unutrašnje organizacije Ureda)

Unutrašnja organizacija i način rada Ureda zasniva se na sljedećim principima:

- a) da unutrašnja organizacija bude racionalna i da osigurava uspješno i efikasno obavljanje svih poslova iz nadležnosti Ureda;
- b) da se grupisanje poslova u jednu cjelinu vrši prema njihovoj međusobnoj povezanosti i srodnosti, vrsti, obimu, stepenu složenosti, odgovornosti i drugim uslovima za njihovo vršenje;
- c) puna i ravnomjerna zaposlenost svih državnih službenika i namještenika i da mogu doći do izražaja njihove stručne i druge sposobnosti;
- d) da se broj izvršilaca odredi tako da bude adekvatan vrsti, obimu i složenosti poslova iz nadležnosti Ureda;
- e) da se izvrši pravilna raspodjela poslova na poslove za koje su nadležni državni službenici i poslove za koje su nadležni namještenici.

Član 3.

(Djelokrug rada Ureda)

- (1) Ured obavlja sljedeće poslove i zadatke:
 - a) daje Vladi Kantona Sarajevo (u daljem tekstu: Vlada) mišljenja, sa stanovišta usklađenosti s ustavom i pravnim sistemom, o podnesenim:
 - 1) inicijativama za donošenje zakona, u odnosu na nadležnost Kantona Sarajevo, za regulisanje pitanja u određenoj oblasti, nadležnosti organa za donošenje određenog propisa i pravnoj formi propisa;
 - 2) nacrtima i prijedlozima zakona, drugih propisa i općih akata koje donosi Skupština Kantona Sarajevo (u daljem tekstu: Skupština) i Vlada,
 - b) daje mišljenja, sa stanovišta usklađenosti sa ustavom i pravnim sistemom, i o podnesenim:
 - 1) prijedlozima propisa koje donosi kantonalni ministar, direktor samostalne kantonalne uprave i direktor samostalne kantonalne upravne organizacije;
 - 2) prijedlozima propisa koje donose pravobranilac Pravobranilaštva Kantona Sarajevo i rukovodilac stručne službe koju osniva Vlada, kada su za to ovlašteni posebnim propisom,
 - c) pruža stručnu pomoć kantonalnim organima uprave i drugim kantonalnim organima državne službe u izradi zakona, drugih propisa i općih akata iz njihove nadležnosti;
 - d) obezbjeđuje metodološko jedinstvo u izradi kantonalnih zakona i drugih propisa i općih akata;
 - e) proučava i razmatra pitanja izgradnje pravnog sistema, te daje Vladi mišljenja i prijedloge o tim pitanjima;
 - f) lektoriše tekstove propisa u toku izrade;
 - g) utvrđuje prečišćene tekstove propisa koje donosi Vlada, a koje priprema kantonalno ministarstvo, odnosno drugi organ kantonalne uprave, u čiji djelokrug spadaju pitanja koja su uređena tim propisom, ako je za to ovlašten tim propisima;
 - h) prati međusobnu usklađenost kantonalnih zakona i drugih propisa, i njihovu usklađenost sa propisima Bosne i Hercegovine i Federacije Bosne i Hercegovine, te o uočenim eventualnim nepravilnostima upozorava nadležne obrađivače propisa;